

ELITE RADITI U INOSTRANSTVU?: Evo sa kojim državama Bosna i Hercegovina ima potpisane saradnju

22/02/2018 09:53 by Administrator

Odlaze kvalifikovani radnici i visokoobrazovani stručnjaci, odlaze mladi i oni stariji, odlaze samci i cijele porodice...

Iz Bosne i Hercegovine mnogi ljudi svakodnevno odlaze da bi radili u inostranstvu, zemlje u koje ljudi odlaze su Njemačka, Slovačka, Slovenija, Austrija i druge države.

Â

Mladi odlaze na krucere, a iz naših zemlje odlaze puni autobusi ljudi koji traže bolju zaradu za rad koji nude. Odlaze kvalifikovani radnici i visokoobrazovani stručnjaci, odlaze mladi i oni stariji, odlaze samci i cijele porodice. Općenito poznato je da mnogi odlaze da bi radili u zemljama sa niskom zaradom, neprijavljeni, a njihov status se nikako ne može provjeriti. Važno je istaći da BiH preko Agencije za rad i zapošljavanje BiH trenutno ima potpisane sporazume o zapošljavanju sa Srbijom, Slovenijom i Katarom, te Dogovor o posredovanju u zapošljavanju radnika sa srednjom stručnom spremom u SR Njemačkoj. Od navedenih sporazuma trenutno se implementira Slovenija i Dogovor sa Njemačkom, dok iz Srbije nema radnih ponuda. Za Katar se očekuje uskoro usvajanje operativnog protokola kojim bi se bliže odredio način zapošljavanja naših radnika u ovoj državi. Prema Dogovoru sa SR Njemačkom svi poslovi koji se nude su za njegovatelje i medicinske sestre. Za ostala zanimanja nemamo dozvolu SR Njemačke da radimo posredovanja, rekao je za BUKU Boris Pupić, stručni saradnik za odnose sa javnošću, informisanje i izdavaštvo Agencije za rad i zapošljavanje BiH. Dodaje da za Sloveniju rade sva zanimanja, ali od početka realizacije sporazuma najtraženiji su vozači i varioci na koje zajedno otpada oko 50% oglasa. Ostala tražena zanimanja su: zidari, tesari, bravari, elektro i hidroizolateri, armirači i ostala zanimanja u građevinskom sektoru. Svi zainteresirani građani mogu aplicirati ili direktno putem Agencije za rad i zapošljavanje BiH ili putem lokalnog biroa za zapošljavanje koji onda nama prosljeđuje dokumentaciju, kaže Pupić. On dodaje da ne postoji podatak koliko ljudi iz BiH radi u inostranstvu, već postoji samo podatak za osobe koje su na rad otišle putem Agencije za rad i zapošljavanje BiH. Tako je od početka 2013. kada se provodi Sporazum sa Slovenijom, pa do kraja 2017. godine, u ovoj državi ukupno izdato 19.909 radnih dozvola za naše građane. Od tog broja u 2017. godini izdato je 9.923 radne dozvole. Od početka 2013. kada se provodi i Dogovor sa SR Njemačkom, pa do 14.2.2018. godine, ukupno je izdato 3.549 radnih dozvola za naše građane. Od tog broja u 2017. godini izdato je 851 radna dozvola, pojašnjava Pupić. Izvor vijesti: Buka/SB